



**SURAT PEKELILING PENTADBIRAN
BILANGAN 3 TAHUN 2015**

**PERUBAHAN PENETAPAN GAJI PERMULAAN
BERIKUTAN PENAMBAHBAIKAN SKIM PERKHIDMATAN
TAHUN 2013 DAN PENAMBAHBAIKAN JADUAL
GAJI MINIMUM-MAKSIMUM DI BAWAH
SISTEM SARAAN MALAYSIA
DI UNIVERSITI TEKNIKAL MALAYSIA MELAKA**

Pejabat Pendaftar
9 April 2015

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

SURAT PEKELILING PENTADBIRAN BIL. 3/2015

**PERUBAHAN PENETAPAN GAJI PERMULAAN BERIKUTAN
PENAMBAHBAIKAN SKIM PERKHIDMATAN TAHUN 2013 DAN
PENAMBAHBAIKAN JADUAL GAJI MINIMUM-MAKSIMUM DI BAWAH
SISTEM SARAAN MALAYSIA DI UNIVERSITI TEKNIKAL MALAYSIA MELAKA**

1.0 TUJUAN

1.1 Surat Pekeliling Pentadbiran ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai keputusan pihak Universiti atas perakuan Mesyuarat Lembaga Pengarah Bil. 2/2015 yang bersidang pada 2 April 2015 telah bersetuju untuk menerima pakai secara sepenuhnya Surat Pekeliling Perkhidmatan Bil. 1/2014 iaitu Perubahan Penetapan Gaji Permulaan Berikutan Penambahbaikan Skim Perkhidmatan Tahun 2013 Dan Penambahbaikan Jadual Gaji Minimum-Maksimum Di Bawah Sistem Saraan Malaysia bagi dikuatkuasakan pelaksanaannya di Universiti Teknikal Malaysia Melaka (UTeM).

2.0 LATAR BELAKANG

2.1 Pada tahun 2013, kerajaan telah bersetuju dengan penambahbaikan skim perkhidmatan yang telah dilaksanakan melalui beberapa Pekeliling Perkhidmatan. Berikutan penambahbaikan tersebut, terdapat pindaan syarat lantikan dalam skim-skim perkhidmatan tertentu.

2.2 Kerajaan juga telah memutuskan supaya struktur Jadual Gaji Minimum – Maksimum (JGMM) bagi Gred 1 hingga Gred 40 dalam Kumpulan Pelaksana serta Gred 41 hingga Gred 54 dalam Kumpulan Pengurusan dan Profesional ditambah baik serta dilaksanakan melalui Pekeliling Pentadbiran Bil. 36 Tahun 2013. Penambahbaikan tersebut antara lain telah mengubah kod gaji dan membundarkan amaun gaji minimum dan maksimum dalam JGMM yang turut memberi kesan kepada gaji permulaan dalam skim perkhidmatan yang ditetapkan pada gaji minimum.

3.0 PELAKSANAAN

3.1 Surat Pekeliling Pentadbiran ini hanya memaklumkan mengenai penetapan gaji permulaan yang baharu dalam skim perkhidmatan berikutan penambahbaikan tersebut. Syarat-syarat lain yang ditetapkan dalam perbekalan umum skim perkhidmatan seperti di **Lampiran A (Surat Pekeliling Perkhidmatan Bil. 1/2014)** adalah terpakai dan Surat Pekeliling Pentadbiran ini hendaklah dibaca bersekali dengan skim perkhidmatan yang sedang berkuat kuasa.

3.2. Penetapan gaji permulaan bagi 252 skim perkhidmatan yang berkuat kuasa adalah seperti di **Lampiran B [Surat Pekeliling Perkhidmatan Bil. 1/2014]**. Perubahan penetapan gaji permulaan ini hanya terpakai kepada pegawai yang dilantik mulai 1 November 2013.

3.3 Kesemua skim perkhidmatan yang diluluskan di bawah Pekeliling Perkhidmatan Bil. 4 Tahun 2002 - Pelaksanaan Sistem Saraan Malaysia Bagi Anggota Perkhidmatan Awam Persekutuan, pekeling dan surat pekeling perkhidmatan serta surat pelaksanaan mengenai penggubalan, perubahan dan penjumudan skim perkhidmatan dalam tempoh 1 November 2002 sehingga kini seperti di **Lampiran C (Surat Pekeliling Perkhidmatan Bil. 1/2014)** kekal berkuat kuasa.

4.0 TARIKH KUAT KUASA

4.1 Surat Pekeliling Pentadbiran ini berkuat kuasa mulai **1 November 2013** kecuali bagi skim-skim perkhidmatan tertentu yang dipinda pada tahun 2014.

5.0 PEMBATALAN

5.1. Dengan berkuat kuasanya Surat Pekeliling Pentadbiran ini, maka Surat Pekeliling Perkhidmatan Bil. 1 Tahun 2012 adalah dibatalkan.

6.0 PEMAKAIAN

6.1 Surat Pekeliling Perkhidmatan Bil. 1 Tahun 2014 digunapakai secara keseluruhan di Universiti ini.

6.2 Surat Pekeliling Pentadbiran ini hendaklah dibaca bersama dengan Surat Pekeliling Perkhidmatan Bil. 1/2014. Salinan pekeling tersebut boleh dirujuk sama ada di laman web Pejabat Pendaftar atau laman web Jabatan Perkhidmatan Awam Malaysia (JPA) di alamat <http://www.jpa.gov.my>.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/wnskb